

## DEARBHÚ UM CHOSAINT SONRAÍ

### PISA 2022 – CEISTNEOIRÍ NA MÚINTEOIRÍ

#### Aitheantas agus sonraí teagmhála an rialtóra:

Foras Taighde ar Oideachas  
DCU - Campas Choláiste Phádraig  
Droim Conrach  
Baile Átha Cliath 9  
Éire  
D09 AN2F  
Teil.: +353 1 837 3789  
R-phost: PISA.Ireland@erc.ie

Tabhair faoi deara: Baineann an dearbhú seo le bailiú sonraí ó mhic léinn agus na tuismitheoirí agus caomhnóirí na mac léinn.

#### Cén cuspóir a bhaineann le bailiú agus le próiseáil sonraí?

Is do chuspóirí eolaíocha amháin a úsáidfeadh na sonraí a bhaileofar i rith staidéar PISA 2022 (Programme for International Student Assessment). Is tionscadal taighde ar oideachas é PISA, urraithe ag an OECD (Organisation for Economic Cooperation and Development). Reáchtáilann an Foras Taighde ar Oideachas PISA in Éirinn ar iarratas ón Roinn Oideachais, agus thar ceann na Roinne Oideachais. Tá sé seo i gcomhréir le ceann de na feidhmeanna (“carrying out national and international assessments of the attainment levels and academic achievement of students and reporting on such assessments to the Minister”) a leagadh amach in Ordú Bunaithe an FTO mar chomhlacht reachtúil (tá sé seo le feiceáil, ina iomláine ag: <http://www.irishstatutebook.ie/eli/2015/si/392/made/en/print>).

Is é “the performance of a task carried out in the public interest or in the exercise of official authority vested in the controller” bunús dlíthiúil an FTO chun sonraí pearsanta a phróiseáil de réir RGCS (GDPR), Alt 6.

#### Cén t-eolas a iarrtar?

Tugtar cuireadh do mhúinteoirí agus do chomhordaitheoirí matamaitice, sna scoileanna sin a ghlacann páirt in PISA, ceistneoir a chomhlánú chun eolas a chur ar fáil don staidéar ar mhúinteoirí matamaitice in Éirinn, maidir lena n-inscne, oideachas agus taithí; an saol oibre; a bhforbairt ghairmiúil leanúnach; a gcleachtais sa teagasc; múineadh na múinteoireachta i gcoitinne; an fhoghlaim agus áiseanna digiteacha i ranganna matamaitice; an mhatamaitic agus an Idirbhliain; agus eagrú na matamaitice laistigh den scoil.

- Chun a bheith cinnte de go bhfuil PISA bunaithe ar shamplaí de mhic léinn agus de scoileanna a roghnaíodh go heolaíoch, glactar leis go gcomhoibreoidh scoileanna le reáchtáil PISA ina scoil féin i gcás go n-iarrtar orthu amhlaidh a dhéanamh (Ciorclán 0056 RO; 2011).
- Ní chuirfeadh múinteoirí ná comhordaitheoirí matamaitice faoi mhíbhuntáiste ar bhealach ar bith i gcás nach gcomhlánaítear ceistneoirí na múinteoirí agus na comhordaitheoirí matamaitice, agus tá cead ag freagróirí léim thar cheisteanna aonair nó éirí as ceisteanna a fhreagairt in am ar bith.
- Má líontar isteach agus má sheoltar ar ais ceistneoirí comhlánaithe, toilíonn rannpháirtí an staidéir le bailiú agus próiseáil a s(h)onraí laistigh den cheistneoir.

- Is féidir le haon rannpháirtí a t(h)oiliú maidir le próiseáil sonraí a tharraingt amach gan fáth a thabhairt suas le 4 seachtaine tar éis reáchtáil na dtrialacha.
- Is féidir le haon rannpháirtí, a dteastaíonn uaidh/uaithe a (h)eolas a tharraingt amach nó a athrú, dul i dteagmháil leis an Foras Taighde ar Oideachas (ag 01 8065234 nó [PISA.Ireland@erc.ie](mailto:PISA.Ireland@erc.ie)). Má tharraingíonn duine amach as an staidéar, ní bhaileofar aon sonraí breise don duine sin. Coimeádtar roinnt eolais ar tharraingt amach agus ar eisiámh chun an sampla a bhailíochtú agus chun eolas a chur ar fáil do riaracháin sa todhchaí (e.g., le feiceáil an bhfuil baol níos mó ann go dtarraingeodh cailíní amach as rannpháirtíocht sa staidéar).
- Is féidir ceisteanna maidir le cosaint sonraí pearsanta a sheoladh chuig Oifigeach um Chosaint Sonraí an FTO [Data.Protection@erc.ie](mailto:Data.Protection@erc.ie)

### **Cén saghas sonraí a bhailítear?**

Bailítear agus stóráiltear sonraí ó na freagraí ar cheisteanna, ó mhúinteoirí agus comhordaitheoirí matamaitice a ghlacann páirt in PISA. Is mar uimhreacha a chuirtear na freagraí roghnaithe in iúl (ceist ilrogha, nó rogha Tá/Níl, mar shampla).

Ní féidir an t-eolas seo, ann féin, a úsáid chun freagróirí aonair a aithint as a n-ainm, agus ní bhailítear ainmneacha múinteoirí. Ach tairfeadtar Uimhir Aitheantais Mhúinteora chun gach múinteoir a aithint go sainiúil.

### **Cá háit, conas agus cá fhad a dhéantar sonraí PISA a stóráil?**

Stóráiltear sonraí PISA go daingean san FTO agus ní féidir le haon duine ná córas seachtrach rochtain a fháil orthu. Ina theannta sin, aon fhostaí de chuid an FTO a dhéanann rochtain ar na sonraí chun iad a phróiseáil, cuireadh ar an eolas go cuí é/í maidir lena bhfuil i gceist le láimhseáil inghlactha sonraí. Tá aontú rúndachta sínithe acu.

### **Is mar seo a stóráiltear na sonraí:**

Stóráiltear gan chríoch sonraí freagartha sa chaoi go bhfuil siad ar fáil don anailís. Ní bheidh rochtain phoiblí ar bhunachar sonraí cheistneoirí na múinteoirí ná na gcomhordaitheoirí.

### **Cé leis a ndéantar sonraí ó PISA a roinnt agus conas a dhéantar an roinnt?**

Cuireann Kefron, 53 Park Road West, Gort na Silíní, Baile Átha Cliath 12, D12 F8RK sonraí ó cheistneoirí na múinteoirí agus na gcomhordaitheoirí isteach i mbunachar sonraí. Tá aistriú sonraí ón FTO go Kefron cosanta ag Aontú um Próiseáil Sonraí.

### **Sonraí atá bainteach**

Mar aon le múinteoirí agus comhordaitheoirí matamaitice, iarrtar ar mhic léinn, tuismitheoirí agus príomhoidí ceistneoirí a chomhlánú freisin.

### **Rochtain phoiblí**

Beidh an bunachar sonraí idirnáisiúnta deiridh (ina mbeidh sonraí ó mhic léinn, tuismitheoirí agus príomhoidí ach nach mbeidh sonraí ó mhúinteoirí ná comhordaitheoirí matamaitice in Éirinn san áireamh ann) le rochtain go poiblí ar na suíomhanna seo a leanas:

<https://www.oecd.org/pisa/data/>

Tá na sonraí uile sa bhunachar sonraí faoi ainm bréige, agus ní féidir iad a cheangal le daoine aonair.

### **Cinnteoireacht agus próifiliú uathobrithe**

Ní réachtáiltear aon chinnteoireacht uathobrithe, próifiliú san áireamh, a luaitear in Alt 22 RGCS (féach <https://gdpr-info.eu/art-22-gdpr/> do bhreis eolais).

### **Ceartha daoine is ábhar do na sonraí**

Tá daoine is ábhar do na sonraí i dteideal na gceart a leagtar amach in Ailt 15-20 RGCS.

Tá an ceart ag daoine is ábhar do na sonraí gearán a chur isteach le húdarás maoirseachta. In Éirinn, is é seo an t-údarás cuí:

An Coimisinéir Cosanta Sonraí  
An Coimisiún um Chosaint Sonraí  
21 Cearnóg Mhic Liam Theas  
Baile Átha Cliath 2  
D02 RD28,  
Éire.

Teil. +353 1 7650100

Uimhir Lo Call 1800 437 737

R-phost [info@dataprotection.ie](mailto:info@dataprotection.ie)